





續博物志

續博物志卷第一



前都官員外郎隴西李石撰



張華述地理自以禹所未志且天官所遺多矣經所不
載以天包地象緯之學亦華所甚惜也雖然華做山海
經而作故略或曰武帝以華志繁俾芟而略之余所志
視華歲時綿歷其有取於天而首以冠其篇次第做華
說一事續一事不苟於搜索與世之類書者小異而比

華所志加詳

爾雅既曰釋天不得不略言其起凡有六等一曰蓋天文見
周髀如蓋在上二曰渾天形如彈丸地在其中天包其外
猶如鷄卵白之統黃楊雄桓譚張衡蔡邕陸續王肅鄭玄

之徒並所依用三曰宣夜舊說云機代之制四曰昕天所
讀為軒言天北高南下若車之軒吳時姚信所說五曰穹
天云穹隆在上虞氏所說六曰安天晉時虞喜所論鄭注
考靈曜云天者純陽清明無形聖人則之制璿璣三衡以
度其象如鄭此言則天是太虛本無形體但指諸星運轉
以為天耳

天圓圓三百六十五度四分度之一案考靈曜云一度二千
九百三十二里千四百六十一分里之三百四十八周天
百七萬一千里者是天圓周之里數也以圓三徑一言之
則直徑三十五萬七千里此為二十八宿周迴直徑之數
也然二十八宿之外上下東西各有萬五千里是為四遊

之極謂之四表四表之內并星宿內摠有三十八萬七千
里然則天之中央上下正半之處則一十九萬三千五百
里地在於中是地去天之數也

日有九道故考靈曜云萬世不失九道鄭注引河圖帝覽嬉
云黃道一青道二出黃道東赤道二出黃道南白道二出
黃道西黑道二出黃道北日春東從青道夏南從赤道秋
西從白道冬北從黑道

律歷志云角一十二度亢九氏十五房五心五尾十八箕十
一斗二十六牛八女十二虛十危十七營室十六壁九奎
十六婁十二胃十四昴十一畢十六觜二參九井三十三
鬼四柳十五星七張十八翼十八軫十七比三百五度二

十八宿之度也

丑為星紀初斗十二度終於婺女七度子為玄枵初婺女八度終於危十五度亥為妣嬴初危十六度終於奎四度戌為降婁初奎五度終於胃六度酉為大梁初胃七度終於畢十一度申為實沈初畢十二度終於井十五度未為鶉首初井十六度終於柳八度午為鶉火初柳九度終於張十七度巳為鶉尾初張十八度終於軫十一度辰為壽星初軫十二度終於氏四度卯為大火初氏五度終於尾九度寅為析木初尾十度終於斗十一度

漢律歷志以前歷上元泰初四千六百二十七歲至元封七年復得闕逢攝提格之歲中冬孟康曰言復得者上元泰

初時亦是闕逢之歲歲在甲曰闕逢在寅曰攝提格此謂甲寅之歲也然則乙卯曰旃蒙單闕丙辰曰柔兆執徐丁巳曰強圉大荒落戊午曰著雍敦牂己未曰屠維協洽庚申曰上章涒灘辛酉曰重光作噩壬戌曰玄默閼茂癸亥曰昭陽大淵獻甲子曰於逢困敦乙丑之歲曰旃蒙赤奮若

正月得甲則曰畢陬二月得乙則曰橘如三月得丙則曰修病四月得丁則曰固余五月得戊則曰厲皋六月己則曰則且七月得庚則曰室相八月得辛則曰塞牀九月得壬則曰終玄十月得癸則曰極陽十一月得甲則曰畢辜十二月得乙則曰橘涂

八分二十八宿為十二次晉灼曰太歲在四仲則行行三宿
太歲在四孟四季則歲行二宿二八十六三四十一而行
二十八宿十二歲而周天是歲星年行一次也

山海東荒經云大荒之中有山名曰大言日月所出有波谷
山者有大人之國又云大荒之中有山名曰合虛日月所
出有中容之國河圖括地象云二儀氣分伏者為天偃者
為地

物理論云水土之氣升而為天

廣雅云東方蒼天東南陽天南方炎天西南朱天西方成天
西北幽天北方玄天東北變天中央鈞天

五經通義云天神之大者曰昊天上帝其佐曰五帝淮南子

云日出暘谷浴於咸池拂于扶桑是謂晨明登于扶桑是

謂朏明雙音至於曲阿是謂朝明臨於魯泉是謂朝食次于

桑野是謂晏食臻于衡陽是謂禺中對於昆吾是謂中正

靡于鳥次西爾是謂小遷至于悲谷是謂晡時四于女紀是

謂大遷經于泉隅是謂高春頌于連音石是謂下春爰息

六螭是謂懸車薄於虞泉是謂黃昏淪于蒙谷是謂定昏

日入崦嵫音經細柳入虞泉之地蒙谷之浦垂景在樹端

謂之桑榆

呂氏春秋曰白人之南建木之下日中無影蓋天地之中也

漢書云月立夏夏至行南方赤道日南陸立秋秋分行西方

白道日西陸立冬冬至行北方日北陸分則同道至則相

過晦而見西方謂之朏朔而見東方謂之朏亦謂之側匿
朏健行胸縮遲

周官天星皆有分野角亢氏兗州房心豫州尾箕幽州斗女
揚州虛危青州室東壁并州奎婁胃徐州昂畢冀州觜蠆
參益州東井輿地雍州柳星張三河翼軫荊州

鄭司農云保章氏五雲之物二至二分觀雲色青蟲白喪赤
兵荒黑水黃豐東方朔別傳云凡占東畔當視天有黃雲
來如覆車五穀大熟青致兵白致盜烏黑多水赤火

京房風雨占候曰黑雲如一疋皂二日中一日大雨二疋二
日雨三疋十日雨

易緯曰八節之風謂之人風呂氏春秋云東北曰風風亦曰
風風東曰滔風東南曰薰風南曰巨風西曰颶風西北曰
厲風北方曰寒風

王充論衡曰圖畫之工圖雷之狀如連鼓形又圖一人若力
士謂之雷公使左手引連鼓右手推之春秋震夷伯之廟
謂劈歷破之是也霹靂俗字也

梁太后信允冀誅杜喬李固雷震憲陵寢屋
太平之時十日一雨一歲三十六雨

晉中興書曰甘露降耆老得敬則松柏交之尊賢容衆則竹
葉受之一曰天酒虹依雲陰而晝見於日衝無雲不見太
陰亦不見

炎帝赤精之君火官之臣大庭氏也

明皇在長安詔一行鑄譯儀及太衍曆先是漢洛下闕云此曆後一千年差一日有聖人出而正之至是果一千年因以一行為聖人僧一行本名遜俗姓張氏後出家改名啟賢遷化詔起塔銅人原謚大惠禪師并御製碑八分書二十八宿為其有二十八宿當度故立以為宿推測者多變如星有十七度半宿半度星既不當度自不當用為宿星度皆以赤道為法黃道則有斜有直與赤道不等

劉知幾曰兩曜日星繫於天象非如九州萬國廢置無常故海田可變而景緯無易必欲刊之國史施於何代不可也史記書有天官書讀者竟忘其悞班固天文志非漢事而錄入漢書已乖越矣且如焚感退舍宋公廷齡中台告堦晉

相逐禍星集穎川而賢人聚月犯少微而廢士亡如斯類忘之可也若乃體分濛濛色著青蒼丹楨素魄之思黃道紫宮之分野既不預於人事乃編之於策書又曰天文有志何不為人形志乎

太事在丑乞糴得酒太歲在巳敗妻鬻子藟生應月周月也一節等以十二子為術亦應月之教也

俗以五月雨為分龍雨一日隔轍雨

雲五色為慶三色為禱或曰外赤內青為禱禱曰紫蜺禱雲開園日君子小人並進也

郭璞曰蓬飛磴則天風春則天雨蓬蝶也傳曰雷不益普令人腹中雷鳴月上下弦之時絕前軒壞里俗是之

自古帝王五運之次有二說鄉衍以五行相勝為義劉向則以相生為義魏漢共尊劉說

關東西風則晴東風則雨關西面風則雨東風則晴陽之專氣為電陰之專氣為霞

中國有洞天三十六所皆謂之天第一玉屋山洞天周四萬里名小有清虛天其次委羽山洞天周回萬里名大高空

明天其次太玄極真天其次三玄極真天其次寶仙九室天其次上玉清平天其次珠明耀真天其次金壇華陽天

其次左神幽虛天其次成德隱玄天皆仙人所居也木與木相摩則笑金與火相守則流陰陽錯行則天地大統

於是乎有雷有霆水中有大乃焚大槐人間往往見細石形如小斧謂之霹靂斧或謂云霹靂楔案玄中記云玉門

之西有國山山上有廟國人歲歲出磧數千名霹靂磧給霹靂用從春至秋乃罷禮記有維金鑽牛骨鑽鑽與磧同

音祖合切

京房易傳曰四方常有六雲五色具而不雨下有賢人隱狝將風則踴鼉欲雨則鳴

漢博士熙曰豫司充莫以舌腹言之天頭也在上高頭也青徐以舌頭言之天坦也坦然高而遠也

博物志卷第二

前都官員外郎隴西李石撰

漢明帝為太子樂人以歌四章贊之一曰日重光二曰月重輪三曰星重曜四曰海重潤

鯨魚者海魚也大者長千里小者數千丈一生數萬子常以五月六月就岸生子七月八月導從其子還大海中鼓浪成雷噴沫成雨水族驚畏莫敢近其雌曰鯢大者亦長千里

禽經曰鷓飛則蜮沉鷓鳴則地結又曰鷓俯鳴則陰俯鳴則晴

白蟻聞竹鷄之聲化為水竹雞自呼泥滑滑是也或曰白雞

之雄亦能化白蟻

鶴性甘帶每過巨石知有蛇即如術士南步其右助然而轉

南方學其法伺其養雞緣木以篾組縛其巢鶴必作法解

之乃於木下鋪沙印其足迹而做之

暮鳩鳴即小雨朝為鳴即大風

物有異體而相劑者翡翠屑金人氣於犀北人以針敲水南

人以線解茶

高誘注淮南子云方諸大蛤也熟摩令熱拭以向月則水生

許慎說文曰諸珠方石也

有一國王小夫人生一肉團太夫人妬之作木函棄之常河

水後河邊人得之肉破生十小兒勇健欲伐父王國小夫

人以乳五百道射小兒口遂抱弓伏號為賢劫千佛

帝嚳有四妃一生帝摯一生帝堯一生商之先一室周之先

商後封于宋都商丘

今上於前朝作頌唯陽汭開國號大宋又建都在太火之下

宋為火正按天文心星為帝王寶宋分野天地人之負契自

古罕有

孔子生於魯襄公二十二年

先君其母曾見日精下落如流星飛入口中有娠七十二日

而生於陳國渴水李樹下剖左腋而生長一十二尺

佛本說釋迦文即人竺釋迦衛國王之子於四月八日在

從母右脇而生有二十二相當周莊王九年魯莊公七年

夏四月常星不見夜明是也

龍脂得火可以燃鐵

佛以三月十五日夜出家二十九出家三十五得道

宇國論云員中本無獠捷為德陽山谷洞中壤壤而出轉轉

漸大自為夫婦而益多夫土乾則生蚤地濕則生蚊

生蠹腐肉則生蛆蛆化為蠅蠅又自生蛆蛆又土燥則生

窮手

日月蝕而私者生兒則多疾日月晦朔弦望而私者生兒則

急瘕瘕瘕鉤絞了疾逐陣而私者生兒多凶暴無禮亦猶

水日造麴而酸水日造醬則生蟲九焦日種穀則不生牙

六合日道鬼鬼不丟火日安蜂則蜜苦土日種麻則不生

塵尾能留紅掃氈氈不蠹

駝糞煙殺蚊壁虱

李衛公言鵝鴛鬼鳩鵲火孔雀辟惡

水母生兒無目龜鼈生兒無耳

桐廬人嘗伐竹遺竹見一宿竿雉頭蛇身猶未變乃知竹為

蛇蛇為雉蛇為雉頭先代曾於青城山小路上見之

鶴所以壽者無死氣於中也

河水東北有石室室中若有積卷因謂之積善巖每見神人

結繩世人不惜其為仙者又謂之神地彼差目鬼曰唐述

唐述窟道術之士多怪稜焉

巫咸山在東南三歲有手操青蛇在手操赤蛇辟五疔

從上下大荒西經曰巫咸即巫盼巫彭巫姑巫真巫孔巫
抵巫謝巫羅

先提山有鈞蛇長七八丈尾末有岐蛇在山澗水中以尾觸
岸上人牛食之水傍瘴氣特惡氣中有物不見其形其夜
有聲中木則折中人則害名曰鬼譚郡有罪人徒之禁防
不過十日死也

真菊可以延齡野菊可以馮人張華云黃精益壽鈞吻殺人
是矣

子程子曰昔洛陽北部有母既生子病不能自舉乳求他婦
負哺之子嬰及孩母疾不問子長不識所育負哺者盜其
愛二母念聞于庭子祐負哺者而反踈其子母

木人為山池所崇或散以爆竹如除夕可禳人用其言被
問之則曰此荆楚歲時記以辟山魃鬼陰冷之氣勝則瘴
湯以攻之

蘆蒿者其狀如蓬枝多葉少根如絲葉如扇不搖自動風至
主厄厨清涼驅殺蟲蠅以助供養先時生於厄厨為帝王
去惡孫承玉克白虎皆云太平時蓮生於厄厨中煖一煖
大爨一鑊水終日不能熱倚一尺水置之熱厨終夜不能

寒

師曠奏清角有鶴集廟門延頸而鳴飾翼而舞今世有馴者
之鶴聞歌曲拊掌而舞者習之也

五月上辰出水邊盟醮食蓬餅以祓邪漢儀也

雞鳥形類雅鳥純黑而背紅亦曰阿雞鳥為鴉反哺為慈鳥
腹下白不反哺為鴉鳥白頭詳飛為鷺鳥大而白頭為
倉鳥早居為楚鳥又鴉鳥為賈鳥莊子曰鴉賈也

相家說人臣得龍之一體當至公相曾公亮得龍之春王女
石得龍之睛

魚勞則尾赤人勞則髮白

鱧黃魚口在額下無鱗長鼻軟骨俗謂玉板長二三丈江東

呼為黃魚

網魚得鱖不如啖茹

南越志曰烏鰂懷墨而知檀江東人或取其墨書契以絕人
物書迹如淡墨逾年墨空紙耳

抱朴子蟾蜍壽至萬歲者頭上有角額下有丹書八字

裴頡崇有論曰鳥無胃肺蛤蜊無臟蛭以空中而生蠶以無

胃而育

眊抱者鴝鵒鶴鵲也影抱者龜鼈也

視鴟制施觀魚制帆

神和子姓屈突名無為字無不為張詠布衣時遇之

海蟾子姓劉名昭遠華山陳搏館之道院與神放往來

廣德先生杜光庭處州人仕唐為內供奉避亂入蜀王氏在

為師臣

尔朱先生偽蜀廣政中飲酒食猪臙渝州刺史謂其幻惑以

竹籠沉之江至變為漁人呼得上昇巖補闕得青金丹方

朱桃稚薛稷圖其形傳於世

呂洞賓謂侯生曰蛇蝎天地洵以自然之氣使之生以遂性殺此救彼有損無益取紙隱語三口共一室室呼水偏清乃呂洞賓字

陳希夷先生一睡或半歲或三數月迄亦不下月餘留藏真息欲納玉窠吾睡真睡也會與毛女游

鯉魚大小並三十六鱗

蝟能跳入虎耳中見鵲使自仰腹受啄

水蛭亦如魚子經三年得水猶活

泥蛭塞兩耳治瘡疾覆盆子是莓子等取汁合成膏塗髮不白麋鹿非八卦辰屬不筆腫能溫補於人生死無尤道家

聽用為脯

天寶中河南緱氏縣太子陵仙鶴觀每年九月三日夜有道士一人得仙已有舊例至日具姓名申府張竭忠為令不之信陰令二勇士執兵覘之至三更有一黑虎人觀來銜一道士射之不中棄道士而去令於是申府請弓矢大獵石穴中格殺數虎或金簡玉錄冠帔髮骨甚多其觀遂廢為陵使之居

晉元康中梁國女子許嫁而夫戌經年不歸女家更強以適人尋病亡夫還問安所在夫徑至墓開棺女遂活因與俱歸後婿聞知詣官爭之王導曰此非常事不可以常理斷之宜還前夫

惠帝世杜錫家葬婢誤不得出後十年開冢祔葬而婢尚生
初婢之埋年十五六及開冢更生猶十五六嫁之有子
太和中周世冢得狗葬女子數日而有氣數日而能言
郭太后愛養之又太原人破棺得一生婦人視其墓木可
三十歲
南方亦瘞其大如梁頰鼻湧聞人氣則閃閃而動墮入體成
瘡以射香朱砂塗之愈

續博物志卷第二

續博物志卷第三

前都官員外郎權西李 石撰

禹長九尺九寸湯長九尺孔子長十尺文王長十尺伍子胥
長一丈眉間一尺韓王信八尺九寸金日磾八尺二寸東
方朔九尺三寸主髻時奇士巨毋霸長一丈大十圍本出
於蓬萊魏成熙大人見襄武長二丈腳跡三尺二寸符健
皇始四年有長人身長五丈是月霖雨河渭泛溢中流得
大屐一隻長七尺三寸履指長尺餘

漢武故事東郡送一短人長七寸曰巨靈光武時潁川張仲
師長二寸東方朔曰西北荒中有小人長七寸朱衣玄冠
鶴國男女皆長七寸海鵠吞之腹中不死

子華子曰黃帝之治天下也其精微之感滂上沉而下浮為百福之聚是百神受職於庚也帝乃採銅煉到質也登彼首山就高明也作大鑪者鼓陽化神鼎者熟物之器也上水而下火二氣升降以相濟中和之氣也群龍者衆陽之氣雲者龍屬也帝鄉者靈臺之闕而心術之變也弓裘衣冠者帝之所以善世救俗之具也甚矣世之好怪也後世必有人主好高而慕大以久生輕舉為羨慕者左右狡詐希寵之臣又從而逢之是將甘心於黃帝之所造也

玉局觀洞高駢帥蜀取罪人以繩絆其腰令採淺深繩兩日方絕出青城山洞天觀門

巫山道士黃萬護以符藥救人蜀王建召之鋪草席水而浴

流而上一日至成都省郎曹圖鄙其人

李德裕好餌雉朱有道士自云李終南笑曰此是世間凡火服之反促壽因出一玉象子狀如拳曰此可求勾漏瑩澈者燃香致象鼻下勿令婦人鷄犬見之三五日象自服之即復吐出乃可服此火玉大陽之精凝結已三萬年以相公好道因以奉借唯忠孝是念無自貽咎又出金象云此是雌者貴其相伴不尔玉象飛去德裕服之有異乃於都下採聘名姝至百教不止象砂不復吐後南遷再遇道士怒甚索二象是夕風雨濤瀨并作玉象如團火飛出船德裕死於朱崖

顏真卿遇道人陶八八授以碧霞丹顏之曰七十上有厄如

有印舌後為廬祀所踏繼死亦烈狀如生偏身
金色爪甲出手背鬚髮皆長數尺人咸異之後有高人過
之於羅浮山言書至偃師顏氏守鑿者曰此先太師親翰
害法蠶頭馬尾真得仙也

唐武宗四年官市郎巾有疑為狼筋者有老僧云貧道嘗曾
以一千於賈胡市得三枚狀如巨燭兩頭光帶黃色淫師
改祐宅失銀器十餘集奴婢環庭久之虫慄動有一女奴
臉脣腫動乃竊器者

返魂香東方朔曰月氏國使者獻香曰東風入律百旬不休
青雲干呂連月不散意中國將有好道之君故搜奇蘊異
而貢神香乘流牛以濟弱洲策驥足以度流沙今十三年

矣香能起天殘之死疾下生之神藥也疾疾天死者將能
起之以薰牙及聞氣者即活明日失使者所在後元元年
長安疫死者太半帝分香燒之死未三日皆活芳氣三月
不歇餘香一旦失亡

京土異物志葱嶺水分流東西西入大海東為河源禹所言
崑崙蓋本河所出也替發于蒲昌洛書所紀出於重野經
積石為中國河也張騫但能至大宛見河水初示達其境
發處桑欽水經云崑崙在河水西北去嵩高五萬里其高
萬一千里鄴道元云崑崙之山三級下曰樊桐一曰板松
二曰玄圃一名閼風上曰層城一名天庭是謂大帝之居
十三州志云山去北海岸十三萬里有弱水周應東南接

積石高誘曰河出崑山伏流地中萬三千里禹導而通云
以出積石山海經乃云自崑崙至積石一千七百四十里
又曰西海之南流沙之濱赤水之後黑水之前有大山曰
崑崙又曰鍾山西六百里有崑崙周穆王崑崙瑤池去周
之漚澗特萬有一千一百里西王母告穆王云去咸陽乃
三十六萬里東方朔十洲記方丈在東海之中央群仙所
治為崑崙山有三角曰闕風曰玄圃曰崑崙宮張華所叙
崑崙銅柱為天柱蓋本方朔神異經也釋氏西域志阿耨
達山上有大淵水宮殿樓觀甚大即崑崙山穆天子所至
即阿耨達宮也西為新頭河為天竺諸國皆度葱嶺瑛
曰似別有小崑崙

李岐虞部諷閣錄所取神仙七人尔朱先生朱真人桃稚神
和子屈突無為海蟾子劉昭遠榮隱先生火井縣許山人
漢杜光庭

龍腦香段成式云出波律國樹高八九丈可六七尺圍乾脂
為香清脂為膏子主內外障眼又有蒼龍腦不可點眼經
火為熟龍腦

香譜云麝以一子真香雜作三四子刮取血膜雜以餘糝皮
毛不辨也麝香有二色著香麝香又雜以麝人撰作市
動至數千計何以塞科取之責所謂真有三說麝行山
中自然有麝氣不見其形為真香人春以脚剔入水泥中
藏之不使人見為真香設之取其臍一鹿一臍為真香此

余所目擊也

仁善盛明日舜殘民多亶曰桀殘義損善曰紂慈惠愛親曰
孝愛民好與曰惠聖善周文曰宣聲聞宣遠曰昭克定禍
亂曰武聰明睿知曰獻溫柔性善曰懿布德執義曰穆仁
義說民曰元安綱治紀曰平亂而不損曰靈保民者艾曰
明辟土有德曰哀貞心大度曰匡太慮慈民曰定既過能
正曰恭不匡其國曰聲一德不解曰簡夙興夜寐曰敬清
白自守曰貞柔德好聚曰靖安樂治民曰康小民畏忌曰
儂中身早折曰悼慈仁和民曰傾好勇致力曰荏恭仁短
折曰哀佐國逢難曰愍名實過爽曰繆雍道不通曰匪暴
雷無親曰厲致志士風曰景辟土兼國曰桓維縉天地曰

文執義務善曰懷短折不成曰殤去禮遠泉曰煬忌政外
交曰攝治典不敷曰震

大學同官有曾官廣中者云沉香雜木也朽蠹浸沙水歲久
得之如僂崖海道居民橋梁皆香材如海桂橘柚之木沈
於水多年得之為沉水香本草謂為似橘是矣然生採之
即不香也

海藥本草云降真香主天行時氣燒之或引鶴降

省頭香即香附子

含頰解語云芸蒿似邪蒿可食魚養與略云芸香辟紙魚蠹
故藏書臺稱芸臺

南唐文冠秋先生烏爪玉貌獲寵於元宗時誕之震雷統

室大雨河傾半夜雷止秋身不復平大食國進龍腦油上
所秘惜先生見之曰此非佳者當為大家致之乃終夾絹
囊貯白龍腦一斤垂於棟上以胡餅感之有頃如注上駭
嘆不已命酒泛之味逾於大食國進者又於元宗前搗雪
為銀錠投紅爐淬之成中金指痕猶在又取宮妓篋中囊
壞炒為銀開寶末內庫尚有生先糞銀沙小囊數金成
真珠

禹治水土至北海之北有國曰終北國之中有山山名壺領
狀若飢餓項有口狀若真環名曰滋穴有水湧出名曰神
瀣臭過椒蘭味逾醪醴一源分為四埒注於山下民飲於
神瀣浴於神瀣此列子寓言也

泥壁未乾揮涕其上陰雨中化為蟲狀如蛭

東方介氏之國其國人數教解六畜之語者蓋偏知之所得
大古神聖之人備知萬物情態悉解異類音聲會言謂之
言血氣不相殊也

條支國臨西海出師子大雀郭義恭廣志曰大雀頸及身膺
蹄都似橐駝舉頭高八九尺張翅丈餘食大麥其卵如雞
今之駝鳥也漢元帝時有大鳥如馬駒時人謂之爰居
王國野象一牡骨三十餘牝者牙純二尺迭供牝者水
草卧則環守牝象死共埋之號吼其處乃散

鼈龜為膽數人食可長髮
鮭魚心肝及頭毒如野苜

蝮蛇大者力能與虎鬪取之不戒螫能剪殺人
黃皮殼甚銳然性畏蚊蚊小螫之輒斃燕山錄曰煮羊以驅
煮鼈以攻物有相感鵝鵝飲水數升而不足鱸鮪入口若
露而死猿有手可以捕鼠而制於鼠鹿有角可以觸犬
而制於犬

續博物志卷第三

續博物志卷第四

前御官員外郎隴西李石撰

燧人四佐明由曉升級必育受稅俗或博受古語墮

丘受延嬉錄也

伏羲六佐金提主化俗是也鳥明主慮福利也視默主灾惡紀

通為中鑑內也仲起為海陸也陽侯為江海水也

黃帝七輔風后受金法天老受天籙五聖受道級知命受糾

俗竊紀受變復地典受州絡力墨受淮斥力

陶淵明云事見語論摘輔象孔長彦孔季彥兄弟聚徒數百

故時人為之語曰魯國孔氏好讀經元弟講誦皆可聽學

士來者有聲名不過孔氏那得成

孔子生鯉字伯鯉生伋字子思伋生白字子上白生求字
子家求生箕字子京箕生穿字子高穿生子順相魏自叙
梁紇至子順九世魏城大梁

毛蟲之精曰鱗羽蟲之精曰鳳介蟲之精曰龜鱗蟲之精曰
龍裸蟲之精曰聖人

劉向校勘以來子歆為七略大凡九萬三千二百六十九卷王
莽焚燒之後王允收而西者僅七十餘乘道遠復棄其半
荀勗分經史子集為四部大凡九千九百四十五卷西晉
李允以勗舊部校之在者三千一十四卷宋謝靈運造四
部目凡四千五百八十二卷王儉造目錄為五千七十四
卷齊王亮造書目萬八千一十卷梁任昉文德殿所藏二

萬三千一百六卷元帝克平侯景收文德殿書歸江陵凡
十餘萬卷周師焚之宋武所收四千卷後周書目八千增
至萬卷周武平齊僅至五千卷唐滅隋魏鄭公盡收圖書
載以船經砥柱沒十之七八大凡八萬六千九百六十六
卷見在三萬六千七百八卷開元中四部目錄凡五萬一
千八百五十二卷

自秦同書文丞相斯作倉頡篇中車府令高作爰歷篇太史
敬作博學篇文園令相如作凡將篇黃門令游作急就篇
皆書文之林苑欲識字者不可不知惜哉凡將已上不可
復見急就章存焉西京文氣亦可見矣顏楷注此書嘗得
皇象鍾繇衛夫人王會稽等篇世所傳唯張芝索靖二家

為真章草書芝有鳳爵鴻鵠等數行靖所書乃三之二白
母縛而下闕七百五十字

前輩云於字必字無草字

宋東淑文廬山公九錫文荷素致餐尔之功音隨時與尔之
智用不應時尔之鳴長頰廣額脣尾後垂尔之能是用意
中大夫閻丘廬加尔使御大鴻臚班脚大將軍以揚州之
廬江吉之廬陵吳之祠廬封尔為廬中公大蘭王几錫文
大亥十年乙亥朔十三日丁亥燕伯使者豪瑤冊命大蘭
王曰咨資叅養於人主雖無爵而有秩君之純封國承氏
君之美白躋彰於周詩海波應乎隆象君之長驅直突
陣無全鋒君之勇

宣父因禱尾山得名丘字仲尼子名鯉字伯魚史片亦字子
魚再耕字伯牛如鬪穀於菟之類黑臀杵臼之類甚多
宋齊丘乃字起回不自量如此孟軻莊周其字不傳或云軻
字子輿周字子休皆後人以意取之耳

東漢無複名或云王莽之禁必襲所致

不可為叵如是為尔而已為耳之乎為諸西域二合之音切
字之原也

絳州碧落觀天尊像高丈餘唐龍朔中刺史李謏為母氏太

妃追薦所造上有篆文老黃冠云李史君高宗之子有二

道士求篆此文閉戶篆畢化為二白鶴飛去餘一及字欠

一畫李陽冰於此學篆凡十二年終不得其妙

明皇獲二十七仙王像於寧州羅川縣金華洞奇偉異狀各
各不同內有心星一坐甚美手板復有明致御名其地屬
互可思莊其人已百歲後置真寧觀改羅川為真寧縣今
有玉象圖傳於世

乾元末肅宗獲十三室於楚州改元室應

天室中大宛進汗血馬六匹一曰紅叱撥二曰紫叱撥三日
青叱撥四曰黃叱撥五曰丁香叱撥六曰桃花叱撥上乃
製名曰紅輦曰紫玉輦曰平山輦曰凌雲輦曰飛香輦曰
百花輦後幸蜀以平山凌雲為識西京雜記漢文自代還
有良馬九匹皆天下駿也一浮雲二赤電三絕群四逸
五紫鷲六綠驪七龍子八驍駒九絕塵號九逸

易林曰巽為雞雞鳴節時安樂無憂

皇覽曰蚩尤冢在東部壽縣屬鄉城中高七尺常十月祠
之有赤氣出如絳名為蚩尤旗

穀城西流泉西北入清水域西北三里有項羽冢石碣猶存
題云項王之墓皇覽謂去縣十五里謬也彭城穀陽城西
南又有項羽塚水經謂為非魯為楚守漢王以羽首示魯
乃降遂以魯公禮葬羽於穀城以穀陽城穀城二塚得非
身首異處乎皇覽曰山陽鉅澤縣有肩髀塚黃帝殺蚩尤
身首異處故別葬亦二塚也

濟水東北灤水出焉灤水出歷縣舊水涌若輪齊侯會于灤
是也有舜妃廟對山有舜祠舜井舜耕歷山亦云在此蒲

坂縣西有歷觀舜所耕歷山有舜井為汭二水山上有舜廟周處風土記曰舜葬上虞耕處即始寧剡二縣山下多柞木吳越之間名柞為櫪故曰歷山二說一以灤為歷一以櫪為歷未知孰是皆鄴道元說

牧靡縣因草得名生牧靡可以解毒鳥多誤食鳥啄口中毒必急飛往牧靡山啄牧靡以解毒

馬出越駘之西若羔紐茨糜之粉米飲之七歲可御日馳數百里

東觀漢記王阜為益州太守神馬四出滇河中魏末有神馬夜過官牧迹大如斗入河水中

真誥金陵古名之為伏龍之地句曲山秦時為句金之壇以積金山得名山生黃金漢靈帝詔採句曲之金以充武庫孫權遣宿衛人採金屯伏龍之地因改名金陵陶洪景云大茅山尚有數坑名金井山之近東諸處碎石往往皆有金砂真誥又云水色白都不學道飲此水亦令人壽亦金津液之所漑耶

岡山有穴通大句曲山有石腦在方山下石腦故如石但小斑色而軟形狀圓小如層色似鐘乳李肇昔有風疾先多身事服此乃愈

豫章城南門曰松場門門內有樟高七丈五尺大二十五圍

劉歆云湖漢等九水入彭蠡因言九江

沫水出廣柔徼外有石紐鄉禹所至也

沫水自蒙山至南安涸崖水脉漂疾歷代為患蜀守李冰發卒鑿平涸崖河神顯怒冰操刀入水與神鬪遂平涸崖

續博物志卷第四

續博物志卷第五

前都官員外郎隴西李石撰

女媧之功烈上際九天天下契黃墟名聲被後世光輝重萬物
乘雷車服應龍騃青虬席羅圖震黃璣援絕瑞前白瑤後
奔地

項後始學篇曰天地有天皇十三頭洞冥記曰一姓十三人
徐整曆紀曰歲紀攝提元氣肇有神靈一人有十三頭始
學篇曰人皇九頭兄弟九人九州各居其一

夷者飮也其類九吠夷千夷方夷黃夷白夷赤夷玄夷風夷
蠻者慢也其類八天生咳首焦攸跋踵穿曾儋耳狗執序
春戎者兇也其類六僂夷戎央老白耆耄鼻息天剛狄者

辟也其類五月以絨船旬奴單于白屋

蜀蠻却却川都王蒙備死氣未絕其妻子以錦數疋相續繫死者曳之於地置十數里外高山上令氣絕乃復以錦被裹而埋之會其族哭之名作鬼親守近州蠻人說其事後及餘國或橫書或結繩或鏤木唯高麗摹寫類書法取正中華

以清水漱口飲酒至斗不亂或曰酒毒自齒入也

南人好飲茶孫皓以茶與常昭代酒謝安詣陸納設茶果而已北人初不識開元中太山靈巖寺有降魔師教禪者以不寐人多作茶飲因以成俗

楚人陸鴻漸為茶論并煎炙之法造茶具二十四事以都絕

籠貯之常伯熊者因廣鴻漸之法伯熊飲茶過度遂患風氣或云北人未有茶多黃病後飲病多腰疾徧死

唐則天於東都造明堂高三百尺九州鼎置明堂之下當中豫州鼎高一丈八尺受一千八百石餘各依方面高一丈四尺受一千二百石都用銅五十六萬七百一十二斤

禹治洪水觀於河見白面長人魚身出曰吾河精也後禹河圖而造於淵又曰堯脩河洛有五老相謂河圖將告帝以期知我者重瞳也五老乃翻為流星而升于昴

山東風俗遇正月取五姓女年十餘歲共卧一榻覆之以衾以箕扇之良久如夢寐或欲刺文綉事筆硯理管絃俄頃乃寤謂之扇天下以乞巧

衡山五嶽之南嶽也黃帝以潛霍為山之副爾雅云霍山為南嶽至漢或以衡山道遠徙祭于廬江潛山或曰衡山即霍山山海經衡山即岫嶠山常山者隄終陽始其道長又故北山曰常山山亦恒其山五穀四種五糧

一勝練米以純苦酒一斗漬之三日出百蒸百暴遠行一食十日不飢重食四百九十日不飢又方米一斗赤石脂三斤水漬之二三日搗為圓如李子大可辟穀

靈寶五符經用白鮮米九蒸九暴

庚桑名楚史記作亢桑

夏棘字子棘為湯大夫列子作夏荳

月令曰椒是玉衡星精服之身輕能老栢是仙藥又云進酒

次第當從小起以年少者起先

燃草爆竹起於庭燎

正月望祭門先以楊枝插門隨楊枝所指以酒脯飲食及豆

粥插筋祭之

酒杯藤出西域藤大如臂葉以葛花實如梧栝花堅可以酌酒有文章映徹可愛實大如指如豆蔻香美酒未至藤下摘花酌酒仍以其實醒酒固入寶之不傳中土張騫使大宛得之出張騫出關志

菊花舒時採莖葉雜黍米釀之至來年九月九日始熟謂之

菊花酒

孟詵云葡萄不問土地但收之釀酒皆得美好

昔有於王敦城下得一銅鈺中間鑄一物如羊頭其身如象
文乃飛廉也

倉頡本鳥迹為字取其象乳相生故有六義秦用篆之燒書
古文遂絕或曰大篆出周宣王史籀小篆出秦李斯及胡
毋敬又曰古隸之書起於秦省篆為隸以便文行刻務以
明隸者篆之捷也或曰程邈於雲陽增損或云臨淄人發
古塚得鈇棺前和外隱為隸字言齊太公世孫胡公之棺
唯三字是古隸證知隸自古非始於秦或曰秦人王次仲
寔倉頡舊文為今隸文始皇奇而召之三徵不至秦徵車
徵之次仲化為大鳥飛去落三翻於山有大翻小翻之
名

彭城縣右彭祖之國也世本曰陸終之子其三曰篋是為彭
祖下曰彭祖塚彭祖長年八百綿壽未世而亦有塚者蓋
亦元之化

蒲坂西舜所都有姓劉名顛採葺河流醞成芳酌食同栝枝
之年排於桑落之辰故酒得其名方士之貢最為佳酌每云
索即有顧思同旅語索即反語為桑落也

海中有度湖山上有栳木蟠屈三十里枝東北鬼門萬鬼而
出入也茶與鬱壘居其門執葦索以食鬼故十有二月歲
竟騰之庭遂以茶壘并栳葦索於門

王文云會稽本山名夏禹巡狩會計於此遂以名郡或曰此
非五嶽禹時吳樛斷髮文身無會計事

董生春秋繁露曰春旱以甲乙日為倉龍長一丈八尺居中
央為小龍七各長四尺於東方皆東向其間相去八尺小
童八人齊三日服青衣而舞之下三時准此皆燔雄鷄燒
豕猪尾於里北門及市中以祈雨

蚘蟴求雨法以土實巨甕作木蚘蟴小童操青竹衣青衣以
舞歌曰蚘蟴蚘蟴興雲吐霧雨若滂沱放汝歸去

交州安陽王有神人名臯通為安陽王治弩一張一發殺三
百人

今之所謂石九十二斤法為准漢秤三百四十一斤也今之
砵弩九石右之二十五石比魏武卒二人之力挽弓三石古之
三十四鈞比頰高之弓當五人餘

續博物志卷第一

